

generantis effectiva non esse in subiecto, quod corruptitur, nec in subiecto quod generatur, quia non agit effective in subjectum, in quo est inhaesive, ut ex D. Thome dicitur in argumento, sed est in parte proximiore, in qua etiam invenitur virtus generantis in ejus absentia, ut satis supra ostensum est.

Ceterum P. Suarez disp. illa Metaphys. sect. iii, num. xxviii, non quiescit cum doctrina tradita existimatque non satisfacere illam distinctionem de mutua prioritate inter dispositionem, et formam; et instat contra illam, quia dispositio si est vere præparans, et non solum ornatua ac perficiens subjectum, oportet quod determinet, et quasi limitet capacitem eius ad talen formam, ergo etiam determinat ipsum agens ad talen formam introducendam; ergo fieri non poterit, ut talis forma effective sequatur ex forma introducta. Consequenter patet, quia si dispositio fuit a forma, et forma efficit a agente, ergo agens non potest determinaria tali dispositione quæ producat formam, sed potius mediante forma determinatur agens ad talen dispositiōem.

Confirmatur, quia illa dispositio non potest exercere causalitatem materialem, et habere prioritatem naturæ, neque respectu actionis qua fit forma, neque respectu materiæ, quam disponit. Non respectu actionis, quia illa dispositio sequitur mediante forma, ergo non potest habere causalitatem, et prioritatem respectu illius actionis, quia fit ipsa forma, siquidem quando fit forma nondum illa dispositio, nec est facta ut possit tunc causare. Respectu vero materie non potest habere istam prioritatem, quia non potest disponere materiam nisi informando illam, non autem potest informare illa dispositio materiam in illo priori, siquidem materia ante for-

mam informatur ab accidentibus, illud autem accidens non potest disponere nisi informando, et inhaerendo, quia sine inhaerentia non est et sic neque disponit; si autem in illo priori non disponit, cui inhaeret illa dispositio? Non formæ, quia sequitur ad illam, et sic pro illo priori nondum inhaeret formæ. Non composito quin præparat ad illud, non vero disponit illud, sed materiam ad illud, ei autem inhaeret quod disponit, ergo inhaeret soli materiae, atque adeo non est necesse, quod consequatur ad formam, sed inest materia ab agente.

Respondetur dispositionem ultimam non determinare ipsum agens ut efficiat, sed determinare tanquam effectus ejus; dicitur autem ultima dispositio determinare agens non ut virtus ejus ad efficiendum, sed ut terminus dispositionis antecedentis, quæ erat virtus determinata ipsius agentis, et ab eo decisa. Deinde addo quod agens, neque per ipsas dispositiones antecedentes quas emittit in materiam, determinatur ad generandum, sed antequam illas emittat, determinatur ad generandum et tanquam medium necessarium, et virtutem agendi emittit illas dispositiones quæ se habent ut effectus ejus, et virtus determinata ad generandum formam, et sic dispositiones istæ procedunt ab agente determinato, siquidem in virtute ejus determinate operantur. Nec obstat quod dispositiones antecedentes non sufficiunt determinare materiam vel agens; non sunt enim sufficietes determinare in facto esse, et consummative, bene tamen in tendentia, et inchoative; et in quantum virtus sunt substantiæ generantis, etiam effective.

Ad confirmationem negatur antecedens. Ad probationem ex parte actionis respondetur, dispositionem non suscipere in se actionem qua-

fit forma, sed preparare materiam in facto esse, ut recipiat in ea forma, quæ est terminus actionis, et hac ratione disponere dicitur ad actionem in suo termino. Nec requiritur ad munus causa materialis, quod existentia præcedat, sicut in causa efficiente, sed sufficit quod in re concomiletur, itaque in nulla duratione detur causa materialis sine existentia, ut in q. xi Phys. probavimus. Ad probationem ex parte materiae, respondetur illam dispositionem non posse disponere nisi inhaerendo et informando inhaerentia et existentia concomitante, et in re inventa, non autem inhaerentia formalizante, seu constitutive formaliter omnem prioritatem, et causalitatem materiae erga formam, vel formæ erga materiam: et ita pro illa prioritate nature, seu formalitate et conceputo, quo materia intelligitur substantialiter recipere formam, non intelliguntur dispositiones informare materiam (licet de facto ibi sint, sed solum materiam substantiale compositum cum forma constituere, ipsa autem præparatio et determinatio materiae erga talen formam solum presupponit ibi concomitantem, vel antecedenter, non autem formaliter intelligitur, sed id pertinet ad aliam prioritatem, vel posterioritatem naturæ, est enim ibi antecedenter ratione dispositionum antecedentium, concomitantem autem ratione ultimæ dispositionis, quæ in facto esse illas terminat. Et sic patet ad illam interrogationem ubinam pro illo priori inhaeret dispositio? Dicemus enim, quod pro illo priori formaliter non inhaeret, quia illa prioritas non est formalitas inhaerendi, sed substantialiter comprehendit, concomitantem vero, et in re tunc inhaeret in composito ut in subiecto quod, et sustentante illam, in materia vero ut subiecto quo recipiendi, et determinabili per illas

dispositiones, nec est necesse ad hoc ut inhaerat in composito quod partim sit in forma, partim in materia, sed sufficit quod in materia ut in subiecto quod, et in toto composito ut in subiecto quod, ut latius dicemus infra quæst. ix.

## QUÆSTIO II.

## DE CORRUPTIONE.

## ARTICULUS PRIMUS.

*Quomodo differat corruptio in ratione mutationis a generatione, et ab annihilatione?*

Ut resolvimus in III Phys. q. xiv, et v Phys. q. xix, art. i ex Aristotele motus ut distinguitur a mutatione communiter dicta, duas exigunt conditiones. Prima ex parte subjecti, quod ejus subiectum sit ens in actu, id est, informatum forma substantiali, non ens in potentia, quod est materia prima, quæ tamen sufficit ad mutationem. Secunda ex parte terminorum, ut videlicet motus proprius dictus sit inter terminos positivos et consequenter proprius seu positivi contrarios, ad mutationem vero sufficit oppositio privativa de non esse ad esse, vele contra in subiecto capaci utriusque. Ex quo appareat corruptionem non esse motum stricte dictum ut contraponitur mutationi, eo quod non est inter terminos positivos sed versatur ab esse ad non esse. Dubium autem est in duobus. Primum, an ex eo quod terminus ad quem corruptionis sit destitutus formæ, amittat rationem mutationis substantialis et solum sit privatio generationis. Secundum, an ex eo quod solum est in subiecto capaci differat ab annihilatione, quia res totalliter desinit in nihilum. Ideo quæ-

manebit dubium an utraque tam annihilatio, quam corruptio sit mutatio. Et loquimur hic de corruptione in ratione mutationis, nam in ratione actionis sequenti articulo tractabimus, an generatio, et corruptio sint eadem actio, vel quomodo connectantur inter se.

Ets ergo aliquorum sententia, corruptionem non esse realem mutationem, sed privationem tantum actionis, et concursus quo forma praecedens conservabatur, opponitur enim corruptio generationi, et non quia aliquid producit, sed quia destruit: ergo privative se habet, et sic realem mutationem non importat, imo neque identitatem in actione cum generatione, sed connexionem et nexum, quia sicut introducta una forma sequitur aliam extirpari, ita posita generatione consequitur corruptio, consecutive, ergo se habent non identice. Et hoc non semper, aliquando enim potest dari generatio sine corruptione, ut si non presupponatur forma positiva in materia, qua corrumptatur. Ratio hujus est, quia corruptio tendit ad negationem, id est, ad non esse: ergo non est mutatio positiva, sed negativa; ex termino enim ad quem denominatur mutatio.

Alia sententia est per aliud extremum quae sentit corruptionem, ita esse positivam mutationem, ut etiam annihilatio positiva mutatio sit, eo quod ad annihilationem requiri virtus infinita, sicut ad creandum: ergo ipsa annihilatio est aliqua mutatio positiva, seu operatio, siquidem fundatur in virtute positiva.

NHILOMINUS DICO PRIMO: Corruptione essentialiter, et formaliter est mutatio distincta a generatione. Di-  
co essentialiter et formaliter, quia suppono generationem ipsam, cui opponitur corruptio non solum radicaliter, sed etiam formaliter esse mutationem ut probatum est ques-

tione praecedenti, articulo primo. Corruptio autem, si est mutatio, cum sit formaliter opposita generationi, formaliter etiam erit mutatio sicut ipsa, quod magis verificatur in corruptione, quam in generatione, eo quod ad corruptionem necessario exigitur, quod praecedat tanquam terminus a quo ipsa forma, quae corrumpenda est, et non potest praecedere solum prioritate naturae eo quod per corruptionem desinit esse forma, nihil autem desinit, nisi prius existat cum sit transitus de esse ad non esse; nihil autem existit, nisi in aliqua duratione non autem in sola prioritate naturae, quae non est prioritas existentiae, sed significationis, et formalitatis, et causalitatis, quatenus per illam significatur hoc dependere ab illo, et secundum hanc formalitatem, et non secundum aliam coordinari cum illo. At vero in generatione, cum procedat de non esse ad esse, non supponit aliquam durationem sui termini a quo, et ita sufficit ad generationem mutationis in generatione, quod privatio praecedat prioritate naturae, sufficit enim, ut aliquod subjectum, quantum est ex natura sua, careat aliqua forma cum capacitate illius ut indigeat actione acquisitiva talis formae, et consequenter quae respiciat illam tanquam terminum ad quem talis acquisitionis, et consequenter aliquem terminum a quo respiciat, qui utique est privatio, non quae in illo instanti existat seu afficiat subjectum, sed quae in illo instanti expellatur, et non permittatur sequi ad naturam. Sufficit autem ad rationem termini a quo, ut in ipso instanti sit in expelli a subjecto non ut existens, et consequenter verificatur mutatio, quod [aliter] se habeat in isto tunc temporis, quam ante in prioritate naturae.

Quod ergo corruptio sit distincta

mutatio a generatione manifeste asseritur a D. Thoma quest. xxviii de Verit. art. i et vi et sumitur ex Philosopho v Physic. cap. ii, lectio ii apud D. Thomam, ubi distinguit tanquam duas mutationes eam quae est de subiecto in non subiectum haec est corruptio, et eam quae est de non subiecto in subiectum haec est generatio, quae autem est de subiecto in subiectum est motus, quia versatur infer contraria, et non inter contradictoria. Dicitur autem mutatio de subiecto in subiectum, vel de non subiecto in subiectum, intelligendo nomine subiecti non ipsum suppositum seu substantiam, sed ipsum esse vel non esse, seu affirmatum, et non affirmatum, ut explicat D. Thomas questione xxviii citata, art. i. Ratio autem hujus est, quia non solum aliquid mutatur quando acquirit formam, sed etiam quando amittit, imo tunc maxime appareat mutatio, quando forma aliqua amittitur, ut cum aer amittit lucem, vel corpus albedinem, quia tunc verificatur, quod alter se habet nunc quam prius. Quod autem sit distincta mutatio a generatione patet, quia respiciunt distinctos terminos tam ad quem, quam a quo, mutatio autem cum consistat in transitu de uno ad aliud, ubi est distinctus terminus a quo et ad quem, est distinctus transitus, et consequenter distincta mutatio, constet autem, quod corruptio transit de esse formae ad non esse illius, generatio autem e converso, de non esse alicuius formae ad esse illius, ergo important distinctum transitum, secundum distinctos terminos a quo et ad quem.

Quod vero corruptio sit mutatio realis ostenditur distinguendo de eo, quod est reale tanquam quid positivum, vel de eo quod est reale, id est, a parte rei inventum, licet a parte rei non ponat, sed tollat, sicut

dicimus tenebras, et cæcitatem dari a parte rei, quia non sicut, sed vere inveniuntur. Hoc secundo modo distinguit D. Thomas realiter corruptionem a generatione questione xxviii citata, art. vi. Et ratio est, quia hoc modo a parte rei invenitur et verificatur ipse terminus formalis, seu mutatum esse corruptionis, scilicet desitio formæ, quia de facto corruptitur forma, ergo et ipsa mutatio seu fieri realiter invenitur. Non tamen dicitur mutatio positiva, quia terminus ejus positivus non est, ergo neque ipsa mutatio positiva esse potest, nec enim positive fit, aut transit id quod in se positivum non est sicut non esse formæ.

Dices: Per corruptionem non solum aliquid negativum resultat, ut terminus, scilicet privatio formæ, sed etiam aliquid positivum, scilicet formam illam manere in potentia materia in ordine ad agens supernaturale, quæ antea erat in actu, ergo aliqua positiva mutatio invenitur in materia, scilicet novus modulus potentialitatis, et ordo ad diversum agens. Respondetur materiam ipsam nihil positivum recipere per ablationem formæ, quod antea non haberet, quia etiam ante dicebat ordinem ad formam, ut educibilem semel ab agente naturali, et plures ab agente supernaturali. Quare educta forma, et immutata materia per ipsam, cessat respectus ad agens naturale, ne amplius possit eam educere, non ex mutatione potentie in materia, sed ex defectu agentis naturalis extrinseci; quando autem forma corruptitur, nulla amplius mutatio fit in ipsa potentia materiae quoad istum respectum continendi formam.

Ex conclusione posita colligitur, quod si in generatione alicuius rei non detur forma aliqua corrumpenda positiva, sed tantum privatio tollenda, ut cum lux destruit tenebras,

tunc corruptio, et generatio non sunt due mutationes, quia corruptio non invenit formam, quam destruat, et transire faciat ab esse ad non esse, sed solum invenit privationem ex parte termini a quo, que non mutatur de privatione in aliam privationem, transitus enim de non esse in non esse, non est mutatio, ergo solum erit mutatio de privatione ad esse, ergo corruptio privationis non est alia mutatio, quam transitus ad esse, qui utique generatio est. Et ita doceri solet in materia de justificatione, quod si culpa quæ destruitur non est nisi privatio in anima, justificatio est unica mutatio in quantum ponit gratiam, et remittit culpam, si vero culpa quæ destruitur, relinquit aliquid habituale per modum positivi, et conversionis ad creaturam, tunc est duplex mutatio, ablatio illa culpe, et introductio gratiae.

DICO SECUNDO : Corruptio, et annihilation differunt ex parte termini ad quem, quia per annihilationem res totaliter desinit esse tam ex parte subjecti et ita annihilation non est mutatio proprie dicta sicut neque creatio, licet significetur per medium mutationis. Hæc conclusio manifesta est, quia annihilation opponitur creationi, et ita sicut creatio nullum concursum habet ex parte causæ materialis, sed solum ex parte causæ materialis, sed solum ex parte causæ efficientis quæ dat totum esse, tam ex parte formæ, quam ex parte materia, ita annihilation non est desito per concursum aliquius causa materialis, sed per solam ablacionem, et suspensionem concursum Divini perficiens, et dantis totum esse, unde cum non fiat in aliquo subiecto non est mutatio. Ex quo fit, quod terminus annihilationis dicitur esse totaliter ipsum nihil, non solum, quia totaliter desinit ipsa res quæ corrumperit, sed etiam, quia

nullus terminus positivus illi adjungitur, qui de novo fiat, in quem designat ipsa rei destrucio, sed pure ex parte termini ad quem inveniuntur nihil, et hoc præcipuum est in annihilatione, scilicet quod desinit in nihilum, unde quantum aliquid destruitur, sive totaliter, sive partialiter si tamen non desinit in nihilum, sed adjungatur illi aliquis terminus positivus, in quem desinit non est annihilatio. Et hac ratione in Eucharistia non annihilatur panis licet totus destruitur et desinit esse, non tamen desinit in nihilum, sed in corpus Christi, et ita est destrucio panis per conversionem, non per annihilationem. Ratio hujus est, quia annihilation ut diximus fit per suspensionem, concursum totaliter conservantis in esse, ergo non solum pertinet ad ipsam totaliter rem aliquam destruere, sed etiam nullum terminum positivum illi adjungere, et subrogare, in quem destruere rei terminetur, siquidem ad ponendum istum terminum positivum requiritur actio, et positio aliquius influxus productus, vel attingentis illum terminum, ergo si annihilation est suspensio totius concursus, omnem terminum positivum sibi adjunctum excludit, alias non desinit aliquid per viam annihilationis, sed ex via productionis alterius termini incompossibilis cum re quæ destruitur. Itaque ad annihilationem utrumque requiritur, et destrucio totius esse, et desitio in nihilum, sine alicuius termini adjuncti positione hoc ipso quod fit per suspensionem Divini concursus.

Sed dices : Bene potest Deus annihilare formam non annihilata materia, et accidens non annihilato subiecto, ergo non est de ratione annihilationis destrucio totius esse, tunc enim licet esse formæ in actu destruitur, sed manet in potentia materia, sicut quando per corrup-

tionem desinit esse. Respondetur istam annihilationem non esse simpliciter, et omnibus modis annihilationem, sicut e converso productio solius formæ vel accidentis a Deo non est simpliciter creatio, sed creatio, quando fit simul cum materia, ita suspensio concursus erga solam formam non est annihilatione simpliciter, sed reducitur ad annihilationem, tanquam ratio quædam illius, et quia habet modum annihilationis, in quantum fit per suspensionem concursus sine hoc, quod illi succedit alia forma, sed desinit in nihilum, ille enim concursus conservat rem illam cum totali dependentia et subordinatione ad Deum, et ideo ejus suspensio dicitur annihilation, licet solum tollat partem entitatis. Quod vero maneat in potentia subjecti, non quidem in ordine ad agens naturale, sed in ordine ad potentiam Divinam non arguit, quod id fiat per actionem positivam, quia hoc quod est manere in potentia materia non est terminus, vel effectus talis suspensio concursus, sed in ipsa materia præbatur ex propria natura materiae, et quia hoc non destruitur per suspensionem concursus, ideo non est annihilation omnibus modis, tam ut est in actu, quam ut in potentia subjecti.

Ex quibus colliges male aliquos affirmare posse per Divinam potentiam aliquam creaturam attingere annihilationem, eo quod non requiritur tanta virtus ad destruendum, quam ad producendum, facilius enim est destruere quam adificare, atque ita cum per destructionem non ponatur aliqua entitas, sed tollatur non involvit repugnantiam, quod a creature aliqua fiat. Oppositum tamen sentit D. Thomas in p. q. xii, a. i, loquendo etiam de causa instrumentalis, quam negat dari posse ad annihilationem. Et ratio est manifesta, quia licet destruere ali-

quid ponendo formam seu dispositionem illi incompossibilem sit facilis, quam adificare, quia talis forma, vel dispositio destruens facilis ponitur, et producitur, tamen destruere aliquid per sus pensionem concursus alienus causæ non pertinet nisi ad illam causam, que talem concursum exhibit, unde cum concursus qui suspenditur per annihilationem sit concursus exiens ab ipso Deo, ad nullam causam creatam pertinere potest ejus suspensio, nisi ad solum Deum. Quando vero causæ secundæ aliquid corruptum tollit, tollitur etiam concursus Dei erga formam corruptam, non quia per ipsas creaturas fiat talis suspensio, sed quia per ipsas fit productio formæ incompossibilis, ad quam etiam Deus concurrit, et concurrendo ad ipsam desinit concurrere ad oppositam, de quo articulo sequenti diceamus.

Ad rationem dubitandi positam pro contraria sententia respondetur ex dictis corruptionem non esse meram privationem, sed mutationem consecutam ex generatione, et terminatam ad privationem formæ, est enim transitus de esse ad non esse, et sic probat argumentum, quod non est mutatio realis positiva, id est, ponens aliquid ex parte termini, sed realis corruptiva, seu privativa, quæ dicitur realis, quia in re invenitur, non quia aliquid positivum ponat in re.

## ARTICULUS II.

*Utrum corruptio, et generatio sint eadem actio, ratione cuius generatio unius sit corruptio alterius?*

Duae istæ difficultates connexæ sibi sunt, et ex unius resolutione alterius resolutio dependet. Circa prius ergo dubium est, an corruptio aliquo modo sit actio saltem se-

cundario, an vero ad rationem actionis nullo modo pertineat, et quomodo ab actione generativa distinguatur. In quo varie sentiunt Auctores. Quidam negant terminari aliquo modo actionem generativam in ratione actionis ad corruptionem formae, tactus enim actionis ubique tangit, sive primario, sive secundario est actus efficientiae, omne autem quod efficientia tangit dando esse tangit, ubi autem non dat esse, sed tollit ibi desinit tangere. Quare corruptio flet ipsa suspensione concursus, seu omissione, non vero secundaria attingentia actionis. Alii existimant efficientiam, seu actionem secundario, et distincta saltem formalitate attingere corruptionem, de quo videri potest Mag. Bannez sup. cap. iv, lib. i de Gen. explicans hoc axioma: quod generatio unius est corruptio alterius, ibique citat Cajetanum. Et ratio est, tum quia generatio, et corruptio sunt unus motus, licet includat duas mutationes, ut ex locis praecedenti articulo citatis constat, ergo est una actio, tunc quia suspensio concursus si sola sit non corruptit, sed annullat, adjuncta vero, seu consecuta ex actione, pertinet saltem secundario ad actionem illam, non enim minus pertinet ad actionem terminum producere quam oppositum tollere, et sic ut corrupti est verum pati, et verum mutari, ita corrumpere, et destruere est verum agere, saltem secundario.

Cæterum utrumque componi videtur dicendo, quod corruptio non est formaliter actio etiam mediate, sed virtualiter. Dupliciten enim potest intelligi, quod aliqua actio mediate attingat aliquem terminum. Uno modo quia principaliter unum terminum attingit, et continuando eamdem influentiam, se rationem agendi tangit alterum, ut minus principalem, et sub priori conten-

tum, sicut producitur principaliter, et immediate aliqua natura, et mediate propria ejus passio, mediatione tamen influentie, et causalitatis in illam. Alio modo quia producto principali termino cessat influentia activa, seu mediante causalitate formalis, seu informatione formae producta est expulsio, seu privatio alterius incompatibilis cum tali forma producta, et sic qui facit rem incompatibilem cum altera, dicitur effectiva illam corrumpere efficientia virtuali non actuali, scilicet mediante termino, cuius informatio expellit, et corruptit alteram formam per modum effectus formalis secundarii. Dicimus ergo quod corruptio non est actio priori modo, sed secundo, non enim producta forma ulterius actio influit ad corrumendum, neque enim influxus intelligi potest, quia respectu formae corrumpendae nihil influit, sed tollit, ergo influxus positivus non continuatur, qui non datur ulterior terminus positivus, ad negationem autem non est necessarius influxus. At vero posita forma, que terminus actionis est, dicitur virtualiter contineat actionem, scilicet terminative: haec autem secum importat incompatibilitatem formae opposite, quia habet adjunctam privationem illius, et sic tangit illam, et expellit non efficientia, sed incompatibilitate orta ex efficientia formae, id est, ex forma effecta, et terminante efficientiam. Quæ resolutio deducitur ex D. Thomas in ii. distinctione. xxxiv, questione. i, artic. ii ad 5, ubi inquit: « Illud quod corruptit, et generat non ex eodem habet quod generat, et corruptit, sed ex eo quod formam suam inducit, generat; et sic in quantum ens generat, ex eo autem quod forma sua necessario coniungitur privatione alterius formae corruptit. » Ubi D. Thomas non ponit corruptionem in influentia ac-

tionis, sed in ipsa appositione formae habentis privationem adjunctam. Unde non oportet hoc reducere ad meram suspensionem concursus conservantis formam oppositam, sed ad actionem producentem formam illi incompossibilem, qua incompossibilitate posita, et ex vi illius cessat concursus. Et sic etiam salvator unitas actionis, seu motus propter unitatem termini positivi, duplex autem mutatio in vi illius efficientiae, quia duplex terminus tangit alter agentem, alter destruendo, ut explicatum est.

Circa secundam difficultatem, quomodo scilicet ordinentur ista duas mutationes generatio, et corruptio, ita ut generatio unius dicatur corruptio alterius, aliqui existimant ordinari tantum istas mutationes consecutive, et successice, non identice in eadem actione, seu motu. Cæterum D. Thomas questione vigesima octava de Veritate, articulo sexto ad ultimum evidenter dieit: « Quod generatio unius dicitur a Philosopho corruptio alterius perconcomitantiam, quia de necessitate sunt simul, vel propter unitatem motus, qui ad has duas mutationes terminatur. » Ubi nomine motus intelligitur actio habens illam duplē mutationem. Et in prima secundæ, questione cxiii, articulo vi ad secundum, inquit: « Quod infusio gratiae, et remissio culpe secundum substantiam actus idem sunt. » Et eodem modo comparat generationem, et corruptionem. Sunt ergo quod identifiablentur in ratione actionis.

Quare generatio unius, quando habet adjunctam corruptionem alterius dicitur esse corruptio duplē ratione. Primo, propter successionem, et ordinem formarum sibi succedentium eo quod formæ sunt incompatibilis, et sic intrante una, recedit alia; et tunc est sensus, quod

Unde objections, quæ fieri pos-

generatio unius est corruptio alterius causuliter, quia connectitur, et succedit generationi corruptio. Secundo, strictius diebet generatio unius esse corruptio alterius, non solum propter successionem formarum, et mutationum, sed propter unitatem actionis, seu motus, eo quod corruptio non est actio distincta a generatione, sed eadem actio formaliter generativa, et virtualiter corruptiva ratione termini generati, ut incompossibilis cum forma opposita in qua compossibilitate virtualliter manet influentia positiva, ut dictum est.

Diximus in conclusione, quando generatio habet annexam corruptiōnem ad denotandum il, quod præcedenti articulo significavimus non dari corruptionem, quæ sit vera, et realis mutatio, nisi quando datur forma positiva corrumpta, si enim solum præcedit privatio tollenda per formam generatam, ut quando aer tenebrosus illuminetur tunc ablatio illius privationis non fit per mutationem negativam distinctam a generatione lucis, sed per ipsam generationem positivam sine alia mutatione corruptitur privatio, eo quod privatio non tollitur nisi per positivum esse, ergo per generationem, quæ est transitus, seu mutatio de non esse ad esse, de privatione ad formam, licet verum sit quod per nos tristis conceptus possimus distinguere in luce conceptum positivum constituendi lucidum, et conceptum remotivum tenebrarum, seu non esse privationis, eo quod privatio accipitur a nobis ut ens rationis, atque adeo ad instar esse quod corruptitur, in re tamen privatio illa est non esse, et physice non tollitur nisi per esse, quod totum docet S. Thomas q. xxviii de Verit. artic. vi, in corpore.

sunt, ex eo quod generatio aliquando datur sine corruptione nihil obstant, fatemur enim non omni generationi essentialiter annexi corruptionem, sed tantum illi cui annexetur forma positiva corrumpenda, et si forma corrumpenda fuerit partialis, tunc etiam corruptio partialis erit, et productio aggeneratio. Nec D. Thomas in II, distinction. xxxiv supra citata dixit, quod generatio et corruptio solum ratione differunt, sed dixit, quod forma ignis, et privatio aeris sunt idem subjecto, sed ratione differunt, quod est dicere privationem, et formam non distinguiri realiter, eo quod privatio extrema reale non est, non tamen est dicere, quod ipsa generatio et corruptio non sint mutationes distinctae eo modo, quo dictum est.

*Solvuntur objectiones.*

Primo arguitur: Corruptio est privatio saltem ex parte termini ad quem, generatio autem est positiva actio: ergo nullo modo possunt identificari, vera enim realitas non potest identificari cum eo quod est nihil, et ens rationis.

Secundo: Quia eadem ratione, qua probatur generationem, et corruptionem identificari in ratione motus et actionis, probatur identificari in ratione mutationis, quia sicut eadem dispositiva actio et motus sufficit primario introducere formam, et secundario destruere oppositam, ita simplex, et unica mutatio positiva primaria erit transitus ad formam genitam, et secundario transitus formae oppositae, nec enim repugnabit mutationem negativam identificari cum positiva, sicut negativa actio, id est, destructio cum positiva generatione.

Tertio: Quia si generatio identificatur cum corruptione erit genera-

tio verus motus, quod tamen negat Philosophus in V Physicor. cap. I, sequela patet, quia in quantum identificatur cum corruptione, habet proximo a quo aliquid positivum, et ratione sui ut generatio est, habet terminum ad quem positivum, ergo saltem identice est inter duos terminos positivos a quo et ad quem, quod est esse motum saltem identice.

Quarto: Si generatio et corruptio habent ordinem inter se, oportet quod fundatur in aliqua causalitate seu ordine prioris, et posterioris unius erga alterum, hoc autem non datur, quia vel motu se causant, et hoc non quia corruptio non potest habere causalitatem in generationem, cum sit privatio vel non mutuo se causant, sed altera tantum est causa, et altera effectus, et hoc non, quia in primis corruptio non potest causare ut dictum est, et sic non potest ipsa esse causa, et generatio effectus: et quia alias esset per se primo intenta, generatio autem ut consequitur. Si autem generatio est causa et corruptio effectus, prius recipietur forma genita, quam expellatur opposita, et sic non recipietur forma genita in nuda materia, nec supponendu excludatur formam.

Denique: Si generatio unius est corruptio alterius, oportet quod in eodem instanti sint, si enim sunt in diversis non identificantur, hoc autem esse non potest, quia corruptio tenet se ex parte dispositionis ultimae, que tollit formam incompositabilem formae genitae, dispositio autem ultima praedit formam in ipso subjecto in quo fit corruptio, ergo corruptio non identificatur cum generatione.

Ad primum respondetur, negationem alterius formae bene posse identificari cum aliqua positiva forma, privatio enim et negatio diversorum non opponuntur, sed imbibit-

tur, et identificatur talis negotium ipsum formam, in qua fundatur, sicut fides habet obscuritatem, et calor privationem frigoris, et quaeunque res negationem ejus, quod a se distinguitur.

Ad secundum negatur esse eamdem rationem de mutatione, et de motu, secundum quod motus significat actionem per modum influentiæ, non enim repugnat eamdem numero actionem attingere plures terminos ordinatae se habentes vel consecutus, sive negativos, sive positivos, eo quod contingit actionem esse virtualiter multiplicem, et ad multa se extendere, sicut et virtus ipsa a qua procedit. At vero mutatione non dicit aliiquid efficiens, sed purum transitum inter terminos, et potius dicit aliiquid effectum, quam effectivum, unde ubi est distinctus transitus inter terminos, ibi est distincta mutatione, non autem ubi est distinctus effectus etiam materialiter, est distincta actio efficiens, sed tamen id quod materialiter se habet ad rationem actionis, nec multiplicat illam, formaliter se habet ad rationem mutationis eamque multiplicat, quia formalitas mutationis solum constitut in illo transitu effecto, ut dictum est.

Ad tertium negatur sequela, non enim sufficit ad rationem motus stricte dicti, et ut distinguitur a mutatione habere terminum, a quo positivum concomitantem, et propter incompossibilitatem adjunctam, sed formaliter et per se. Generatio autem substantialis formaliter, et per se non est a termino positivo, sed a privatione formæ. Quod autem corruptus formam substantiali præexistente non est, quia habeat illam pro formaliter termino a quo, per accidens enim, et materialiter se habet ad formam ignis quia generatur, quod fiat ex stuppa, vel papyro, vel ligno: per se autem quod fiat ex

non igne; sed tamen corruptus formam precedentem quæcumque illa sit, quia sunt incompossibilis formas in eodem subjecto propter privationem adjunctam, quia ultra quæ est forma substantialis, et consequenter prima in subjecto. Unde non admittit aliam tanquam secundam. Non tamen se habet tanquam terminus a quo formalis forma praecedens, tunc enim se habet ut formalis terminus a quo quando conductus ad constituendam positivam sunt positivi, et habent medium, ita quod ipsa extrema conducunt ad tam latitudinem, quatenus ex eorum commensurazione aut conjunctione constitutum medium, et per se postulant transitum ex una forma ad aliam per tale medium. Formæ autem substantiales non se habent ut extrema, per quorum commensurationem, aut conjunctionem constitutur medium, nec per se ex una forma ad aliam fit transitus per aliquod medium, sed quæcumque forma immediate receptibilis est in materia, si dispositio contraria non obstet. Unde solum ratione dispositionis petit transitum per aliquam formam medium.

Ad quartum respondeatur quod inter corruptionem, et generationem datur mutuus ordo prioris, et posterioris, sicut inter formam expulsam et generatam, est enim expulsio forma corruptæ prior in genere cause materialis, forma autem generata est prior in genere cause formalis. Unde D. Thomas question. xxviii de Verit. articul. vii, inquit: « Quod expulsio formæ præcedens est prior naturaliter in ratione cause materialis, omnis enim dispositio ad formam reducitur ad causam materialiem, denudatio autem materiae

a forma contraria est quædam dispositio ad formæ susceptionem. » Quod vero introductio forme sit prior in genere causæ formalis docet in iv, distinct. xvii, quæst. i, art. iv, quæst. iii: « Quia remoto, inquit, formæ secundum ordinem cause materialis præcedit naturaliter introductionem formæ, sed secundum ordinem causæ formalis est e contrario. » Et idem habet in i-ii, quæst. cxiii, articul. viii ad i, quia agens per formam agit ad removendum contrarium, sicut sol per suam lumen agit ad removendum tenebras, et ideo ex parte solis prius est illuminare, quam tenebras removere, ex parte autem aeris prius est purgari a tenebris, quam consequi lumen ordine nature, licet utrumque sit simul tempore. Quare philosophandum est de corruptione et generatione, sicut de dispositione ultima, et forma ut supra dictum est, nec requiritur ad istam prioritatem ex parte causa materialis, quod detur prioritas etiam in existendo, sed sufficit quod concomittet existentia, in re, in illa autem prioritate solum explicatur formalitas, et officium illius dependentia, et causalitatis. Et licet corruptio sit effectus secundarius forma genitæ, sicut etiam dispositio ultima, in alio tamen genere causæ, et sub alio respectu, scilicet ut tenet se ex parte cause dispositiva potest habere modum cause et prioritatis.

Ad ultimum respondetur generationem, et corruptionem dari in eodem instanti temporis, sed in diversa prioritate nature. Dispositio autem ultima non est in aliqua durata, ante ipsam formam genitam, nec in subjecto corrupto, licet secundum diversas prioritates naturæ antecedat et subsequatur in eodem subjecto genito, sicut supra explicatum est, et idem prorsus

dicendum est de corruptione, et generatione.

### ARTICULUS III.

*Utrum corruptio sit naturalis, et per se intenta a natura?*

Supponimus ex ii Physie. cap. i, quod naturale dicitur aliquid ex eo quod habet in se principium sui motus, sive quod est a principio intrinseco naturæ, principia autem intrinseca sunt materia et forma. Illud autem dicitur secundum naturam que se habent ut accidentia et affectiones convenientes naturæ, vel est subiectum cuius esse est a natura. Quæ vero convenientiunt a principio extrinseco vel violenter convenientiunt vel præternaturaliter. Hoc ergo inquirimus de corruptione an convenienti ratione alicujus principii intrinseci, et ita sit naturalis, an vero ratione principii extrinseci, et ita sit violenta et præternaturalis. Et difficultas esse potest, quia ex una parte corruptio habet aliquod principium repugnans, scilicet ipsum formam, et compostum quod est, destruit per corruptionem, et ita non potest esse ei naturalis corruptio, sed violenta utpote destructive ejus. Ex parte vero materie non inclinatur per se, et directe in corruptionem, quia corruptio est malum et non esse, ergo non est terminus appetitus, ergo neque materia, quia materia, appetitus quidam est, et illud est ei naturalis quod est ei appetibile. Non ergo corruptio est naturalis, ex aliqua parte.

Ei ex hoc nascitur secunda difficultas, an corruptio possit esse per se intenta a natura eo quod malum ut malum intendi non potest, corruptio autem malum est cum sit defectus naturæ, ergo est præter ejus intentionem, sicut etiam monstra-

non sunt ex intentione naturæ, sed ab ea exorbitant, utpote defectus illius, natura autem semper intendit id quod sibi est debitum, non quod alienum, et exorbitans.

NIHILominus dico primo: Corruptione simpliciter est naturalis, et non violenta a natura ratione materie, quatenus dicit naturam corruptibilem, sumendo naturale, ut opponitur violento. Tenet hanc conclusionem expresse S. Thomas i-ii, quæst. lxxxv, articul. vi, et quæst. v de Malo, articul. v. Reddit autem materia naturam corruptibilem, tum quia in se habet privationem, cum aptitudine, et potentialitate ad plures formas, quarum quilibet non potest plene satiare materiam, haec enim est dispositio rei corruptibilis, ut docet S. Thomas i part. quæst. lxvi, articul. ii. Tum quia admittit compositionem ex contrariis, ut patet in omnibus corporibus sublunaribus, omne autem corpus ex contrariis compositum, est corruptibile, cum contraria agant in invicem, et sic generant et corruptunt, siquidem generatio, et corruptio est ex contrariis. Sie ergo fundat D. Thomas quod corruptio sit naturalis, tum loco proxime citato, tum in iii, distinct. xvi, quæst. i, articul. i, siquidem materia talibus conditionibus est predata, scilicet potentialitate ad plures formas, et privatione aliquarum et susceptione contrariorum, ergo naturale est ei admittere corruptionem formæ, ubi enim principium, et radix naturalis est, id quod convenit ratione talis principii, naturale esse debet, praesertim si hoc ipsum conduceat ad bonum commune, quod sine generatione et corruptione rerum stare non potest.

Nec obstat, quod id quod convenit solum ratione principii passivi, non videtur esse naturale, quia oppositum ejus non

est violentum, nec enim potest aliquid pati violentiam solum ratione principii passivi, cum non sit principium resistens agenti. Ad hæc non valet illa consequentia, radix seu principium est naturale, ergo et actus, instaurat enim in libero arbitrio, quod naturaliter est peccabile cum sit ex nihilo, et tamen peccatum est contra naturam, alioquin peccatum non esset, ergo similiter etiam si ipse corruptibilis sit naturalis, non sequitur quod corruptio non sit naturalis, non sequitur quod corruptio non sit contra naturam. Hæc inquam non obstant. Ad primum enim diximus quæstionem ix Physicor. articul. iv, quod etiam principium passivum est naturale ut opponitur violento, et habet inclinationem in aliquid a quo si removetur realiter, quod non subroget illi aliquid æque naturale, dicitur pati violentiam, habetque resistentiam ad illud non activam sed formalem. Et quod sufficiat ad rationem naturæ principium passivum, docet S. Thomas viii Physicor. lect. viii, ubi inquit: « Esse contra intentionem Philosophi ut in materia sit principium activum, quod quidem dicunt esse necessarium ad hoc quod sit motus naturalis, sufficit enim, quod sit passivum, quod est potentia naturalis ad actum. » Quare impedimentum talis inclinationis si ipsa totaliter frustretur, erit violentum principio passivo. Sed aliqui hallucinantur in appetitu seu inclinatione materie, quæ est ad plures formas ad quarum totalem collectionem adæquate se habet, ad singulas vero inadæquate, et ideo sublata una forma in particuliari, non violentatur in recipiendo aliam, quia ultraque æque naturalis est, et ideo ablatio unius non est violenta, cum alia æque naturalis subrogetur, sed si totaliter impediatur corruptio formarum, et accep-

tio aliarum, in hoc esset violentia materiae, quia impeditur naturalis ejus tendentia ad plures formas successive, et cum corruptione aliarum. Imo ex hoc deducitur argumentum, quia ideo non patitur violentiam materia recipiendo unam formam et amittendo aliam, quia est in potentia naturali ad omnes, ergo ablatio unius non erit violentia, ergo erit naturalis, omnis enim motus, aut lit natura, aut vi, ut Philosophus inquit. Corruptio ergo naturalis est principio passivo, quatenus naturale est illi ex propria inclinatione habere plures formas, et non simul, sed successive, unam amittendo, et aliam acquirendo.

Ad tertium dicitur, quod illa consequentia non tenet in defectibus voluntariis qualia sunt peccata, tum quia voluntarium opponitur naturali, unde licet potentia deficiendi libere naturalis sit, sicut ipsa voluntas naturaliter conuenit homini, tamen actus ejus voluntarius est, et liber propter indifferentiam potentiae; tum etiam quia peccata sunt contra naturam ut rationalem, non ut limitatam et ex nihilo, unde simpliciter dicuntur contra naturam, quia sunt contra praeципuum quod est in natura, seu proprium ipsius naturae. At vero corruptio fundatur in inclinatione naturali materiae ad plures formas, et in se naturalis est, et non violentia, nec voluntaria, et rursus licet sit contraria formae qua corrumpitur quantum ad esse suum, et similiiter composito ex tali forma, tamen ex alia parte ordinatur ad bonum commune, quod perpetuat, et constat ex pluribus compositis et rebus, quarum una succedit alteri, quod fit per corruptionem ejus, et sic non contrariatur ipsi materiae, ut pendet a tota collectione formarum, quibus subesse potest, sed solum contrariatur uni formae particulari

quam excludit; non est autem conaturalis materia solum ab una forma habere esse, sed a multis successive. At vero peccatum voluntatis non ordinatur ad aliquod bonum commune sicut corruptio formae, sed ab eo deordinatur universaliter et ex omni parte.

Ex quo deducitur id quod in loco citato in questione IX Physie. diximus, quod licet corruptio sit contraria formae, eique violenta, et ex hac parte corruptio non sit dicenda naturalis, tamen quia ex parte materiae naturalis est, simpliciter sortitur denominacionem naturalis, et non violenti, non obstante quod iste duærationes concurrant, eo quod denominatio semper fit ab eo, quod magis preponderat in aliqua natura, magis autem preponderat in hac parte id quod se tenet ex parte materiae, quia non solum est naturale, et conveniens ipsi materiae, ut disponitur ad unam formam quod fiat corruptio alterius, sed etiam ad communem bonum rerum corruptibilium conducit, que ex successione generationum et corruptionum co-ordinantur, et ad communem appetitum ipsius materiae quatenus ad omnes formas extenditur, quod expresse docet D. Thomas q. i. de Molo, art. iii ad 18.

Ad difficultates in principio motas. Ad primam respondetur quod corruptio habet aliquod principium repugnans ex parte formae solum ratione sui particularis esse, habet autem aliud principium connaturalis ex parte materiae quatenus ex sua natura petit successionem in formis, et hoc ipsum ordinatur in commune bonum totius ordinis rerum corruptibilium, et ideo simpliciter denominatur naturalis.

Ad secundam similiiter dicitur quod corruptio est malum particularis formae, sed bonum materiae, et communis rerum conservationis. Sed

tamen aliud est inquirere quomodo ista corruptio sit naturalis, aliud quomodo sit bonum et appetibile, hoc enim non haec directe, et primo, cum sit ut privatio; ut autem naturalis sit sufficit, quod consequatur ex aliquo principio intrinseco, et naturali, sive sit juxta primam inclinationem naturae, sive juxta secundariam tanquam requisitum, aut annexum illi, et ordinatum ad ipsam: ut autem sit bonum primo, et per se, requiritur positiva entitas, ut statim amplius declarabitur.

DICO SECUNDO: Corruptio non est intenta ab agente particulari, ut agens particolare est, nec immediate, nec mediate, nec ratione sui, nec ratione adjuncti ordinis ad bonum, sed respectu illius ordinis comparatur per accidens. At vero respectu agentis universalis ordinantis, et providentis totum bonum naturae, tales defectus sunt de ejus intentione non primaria, secundaria, supposito tamen illo ordine, et ratione ejus intendi possunt non pertinet ad omne agens, nec ad omne intendens, quia non omne agens respicit rationes universaliores, sed agens particulare tantum rationes particulares respicit non communes, et ideo praetermittuntur ab ipso, et solum, quia per accidentes sunt illi rei conjunctæ que ab eo attinguntur. At vero agens, quod respicit rationes communes et universales, id quod respectu particularis agentis est per accidens attacatum, et per se omissum potest respicere ut conducens ad universaliores finem suum, et sic potest edere sub ejus intentione saltem secundaria.

Pro intelligentia tamen conclusionis est advertendum, quod in aliquo malo, seu privatione possumus tria reperire. Primo, ipsum bonum super quod fundatur malum, vel privatio, tanquam subjectum, vel ex parte subjecti se tenens. Secundo, ipsum malum formaliter, seu priva-

tio secundum se. Tertio, aliquisordo ad bonum, quod ex tali privatione consequitur, non per se, id est, quatenus malum, et defectus est, sed ut deservit alicui bono, quod non potest stare, nisi interveniat tale malum, sicut non potest esse acquisitionis, et generatio termini ad quem, nisi corrupto, et desidente termino a quo, nec potest ostendit fortitudo alieujus, nisi apposita persecutione alterius. Est ergo certum, quod ipsa privatio, seu malum per se, et ratione sui non potest esse aliquid intentum, eo quod caret in se ratione formalis, qua intendi potest, scilicet bono, omne enim quod intenditur et appetitur debet intendi ut bonum et ut conveniens, ergo quod caret hac ratione formalis, secundum se non intenditur, sed si intenditur, erit per aliud, quod ei adjungitur, et quo vestitur, unde non primario et per se, sed secundario, et per accidens intenditur. Sed tamen hoc ipsum, quod per accidens seu per aliud habent, et ratione ejus intendi possunt non pertinet ad omne agens, nec ad omne intendens, quia non omne agens respicit rationes universaliores, sed agens particulare tantum rationes particulares respicit non communes, et ideo praetermittuntur ab ipso, et solum, quia per accidentes sunt illi rei conjunctæ que ab eo attinguntur. At vero agens, quod respicit rationes communes et universales, id quod respectu particularis agentis est per accidens attacatum, et per se omissum potest respicere ut conducens ad universaliores finem suum, et sic potest edere sub ejus intentione saltem secundaria.

Ex hac doctrina componuntur variæ loca S. Thomæ que loquuntur de hac re, et veritas ipsa elicetur, quomodo corruptio per accidens se habeat et quomodo possit esse intentionis. Aliando sanctus doctor affirmat

corruptionem, et alios defectus cadere sub intentione secunda agentis universalis, sicut i p. q. xxii, a. ii ad 2: « Corruptiones, inquit, et defectus in naturalibus sunt contra naturam particularem, sed tamen sunt de intentione naturae universalis in quantum defectus unius cedit in bonum alterius, vel totius universi. » Idem docet iii contra Gentes, c. xciv, circa finem, et c. lxxi, et omnino idem vult et non amplius in illa distinctione xxxvi citata, et q. xxii de Veritat. loquitur enim de natura absolute, non distinguendo de natura universalis, vel particulari. Aliquando vero affirmit similes defectus omnino esse volitos per accidens etiam a Deo, scilicet ratione ejus boni cui conjunguntur, ut patet i p. q. xix, a. ix et in q. xlxi, a. ii, ubi dicit: « Quod Deus in rebus causando bonum ordinis universi ex consequenti, et quasi per accidens causat corruptiones rerum. » Et denique in iii contra Gentes, c. iv, v et vi videtur intendere, quod malum semper sit praeter intentionem.

Hac autem sic coherent, quod defectus isti naturales secundum se sumpti sunt privationes quedam et mala, secundum quam considerationem per accidens se habent tam respectu agentis particularis, quam universalis; malum enim sub ratione mali non potest esse volitum, neque intentum, cum non sit appetibile, sed ab appetitu fugiendum, sed per accidens solum potest se habere respectu operantis, quatenus vel permittit illud, non quidem appetendo, sed non impediendo, vel in quantum per aliud appeti potest, id est, ut induit aliquam rationem boni, vel aliquem ordinem ad bonum, sive ad bonum commune, sive ad bonum particulare, et sic potest cadere sub aliqua volitione, vel permissione intenta. Hæc tamen inten-

tio non spectat ad particolare agens, quia ad ipsum non spectat intendere nisi suum terminum ad quem, quidquid autem ex parte termini a quo se tenet, nullo modo intenditur, sed relinquitur, nec etiam secundario, quia, ut secundario intendatur, debet secundario se tenere ex parte termini ad quem; corruptionem præcise se tenet ex parte termini a quo respectu agentis particularis, ergo nullo modo potest cadere sub ejus intentione, sed solum per accidens comparatur ad ipsum. At vero agens universale licet in quantum concurreat cum agente particulari ad suam generationem etiam respiciat corruptionem ut terminum a quo, tamen propter suam universalitatem potest secundum aliam rationem illud quod est terminus a quo attingere ut terminum ad quem, tanquam aliquid requisitum ad bonum commune, etiam quoad sui corruptionem, sicut Deus qui omnem creaturam attingit, ut terminum ad quem, et solum pro termino a quo habet nihil, unde de omni creature habet disponere, sive quod existentiam, sive quod corruptionem, unde corruptio respectu ipsius non se habet per accidens tanquam omissa, sed potest esse intenta saltem secundario, ut induit aliquem ordinem boni, et non pure ut privatio se habet. De aliis vero defectibus, qui ex necessitate materia sequuntur dicemus conclusione tertia. Et sic concludit D. Thomas i q. xix, art. ix, quod Deus malum naturalis defectus, vel malum poenae vult volendo aliquod bonum, cui conjungitur tale malum. Hoc est ergo esse de secundaria intentione, scilicet non posse intendi nisi presupposito aliquo bono, quod in se resilla non habet, sed ex aliquo cui adjungitur.

Dices: Ergo nulla est differentia inter malum culpæ, et poenæ respec-

tu voluntatis, et providentia Dei, si quidem etiam ipsum malum culpæ ordinari potest ad aliquod magis bonum, puta ad humilitatem, vel penitentiam hujus, et tamen D. Thomas ponit differentiam inter defectus naturales, et mala culpæ, quod malum culpæ Deus nullo modo vult, quia non vult bonum cui conjungitur plus quam ipsam Divinam beatitudinem cui contrariatur, malum autem actionis accidit in naturalibus agentibus ex defectu virtutis activæ. Unde si agens habet virtutem, defectum, hoc malum consequitur præter intentionem, sed non erit casuale, quia de necessitate est consequens ad talem agentem cum tale agens, vel semper vel frequenter patitur hunc virtutis defectum, erit autem casuale, si hic defectus raro talem comitatur agentem. » Ita D. Thomas. Quapropter agens particulare, quia solum bonum particolare intendit, et secundum formam particolare agit, tantum intendit facere suum effectum meliori modo quo potest, et ita ex intentione sua solum datur perfectio effectus, et assimilatio perfecta. Quod vero virtus ejus sit deficiens, vel materia sit indebita disposita, hoc est præter intentionem ejus primariam, eo quod non pertinet ad formam suam tales indispositiones, vel defectus disponere, et ordinare, sed potius quantum potest removere. Sed tamen si omnes removere non possit, et tamen operatus et sequitur defectus, aliquando sequitur omnino præter intentionem talis agentis particularis, et sic casualiter se habent, sicut sunt illa, que ut in paucioribus accidunt, hæc enim casualia sunt, et omnino præter intentionem. Aliquando vero sequuntur defectus non omnino præter intentionem, sed ex intentione secundaria, quæ potius est non recusatio illius defectus, quam intentio positiva ejus; ut quando sunt defectus accidentes materie de necessitate vel perpetuo, si cut artifex qui vult facere gladium

Dico TERTIO: Monstra, et defectus alii naturales qui consequuntur dispositionem materie, ex qua aliquid generatur respectu agentis particularis, aliquando sunt fortuita, et nullo modo intenta, aliquando secundario volita; respectu autem agentis universalis intenta esse possunt. De hac conclusione videndum est sanctus doctor in iii contra Gent. c.

eligit materiam duram ut ferrum, et hoc per se, sed quia rubigo sequitur ferrum, et haec non conductit, sed potius deficit ab ejus fine, non eligit illam ex primaria intentione, sed quia non inventit materiam convenientem sine tali defectu, eligit ex secundaria intentione materiam cum illo propter adjunctam duritatem, quae convenit suo fini; et similiter natura in corpore humano eligit materiam convenientem operationi sensuum, et sic debet esse composita ex contrariis, sed quia ex illa contrarietate sequuntur morbi et senium, et alii defectus illi sunt præter intentionem generant, sed ex quo non inventitur materia congrua sine illis defectibus, eligit cum illis saltem ex intentione secundaria, hec enim quia convenienter ipsi generato ex parte materiae, et dispositionum, quæ consequuntur illam respici possunt ex parte termini ad quem utpote convenientes ipsi rei genitæ ex necessitate materiæ, ex qua formatur, ideo possunt pertinere ad intentionem saltem secundariam, quia sunt de necessitate consecuti ad materiam electam, eligitur enim cum talibus conditionibus quia non eliguntur illæ conditiones, sed quia non recusanter, et ita aliquo modo attinguntur secundario. Et haec etiam ratione femina dici solet aliquid occasionatum, quia est præter intentionem particularis agentis, quod intendit meliorem effectum quem potest, scilicet masculum, quod vero sequatur deficientior, scilicet femina, est præter ejus intentionem propter indispositionem materiæ, vel virtutis activæ, ut docet S. Thomas i p. q. xcii, a. i ad 1 et iii contra Gent. c. xciv et q. v de Verit. art. ix ad 9.

At vero respectu agentis universalis, scilicet Dei nihil horum præter intentionem, quia respicit fines universaliores, et ordinem totius boni

communis, ad hujus varietatem, et constructuram pertinent etiam ea, qua respectu particularium videntur imperfecta vel defectuosa, aut monstruosa, sicut quod feminæ sint, est necessarium, propter hominum multiplicationem, et multiplex operatio et virtus naturæ apparet etiam quando erratur in disponenda materia, et eveniunt monstra; sicut multæ species rerum manifestantur ex commixtione monstruosa seminum in piscibus et in animalibus, et aliis similibus, quæ omnia non intenduntur a Deo solum propter necessitatem materiæ ad quam consequuntur illi defectus, sed propter bonum commune, quod manifestatur, et coalescit etiam ex illis rebus quæ solum ex aliquo præsupposito, et per accidens, seu per aliquid habent rationem boni.

Ex quibus responderi potest ad quasunque objectiones, quæ fieri solent, ex eo quod peccata, et mala et defectus non intenduntur, id enim jam solum est ex predictis, et ostensum est quomodo aliquæ possunt cadere sub intentione saltem secundaria, quia ex parte rei genitæ se tenent, licet ab agente particulari solum intendatur propter necessitatem materiæ, ab agente autem universalis propter conductientiam ad bonum commune. Ostensum est etiam quomodo aliquæ relinquuntur per accidens, et permittantur, sicut corruptio respectu agentis particularis, quia tenet se ex parte termini a quo et aversio a bono Divino in peccato, quia nunquam subordinabilis est bono Divino, sub quo Divina voluntas omnia attingit. Denique, constat quomodo materia inclinetur ad corruptionem, scilicet ratione generationis, ut scilicet possit potentialitatem ad omnes formas implore. Unde materia etiam singularis, et individua considerata secundum potentialitatem communem ad omnes

formas, et ut subest agenti universalis, qui eam creavit, potest intendere secundario corruptionem, quia ad bonum ejus pertinet secundario, et propter successionem formarum. Eadem vero materia, ut subest tantum uni formæ, et agenti particulari, quod illam tantum formam intendit, non respicit corruptionem nisi per accidens, et ex parte termini a quo.

### QUÆSTIO III.

#### DE ALTERATIONE IN COMMUNI.

Post explicatam rationem generationis, et corruptionis, sequitur agere de alteratione, quæ illi maxime propriæ est, magisque deservit. Et primo, consideranda est alteratio in communi, prout comprehendit sub se simplicem motum alterationis, intensi nem, et remissionem, aliasque alteratio nis modos, seu actiones, quæ per alterationem flunt, ut mixtio, et condensatio, et similia. Secundo, in speciali considerabimus de istis speciebus alterationis.

Circa primum tria occurunt consideranda. Primo, de alteratione quid sit. Secundo, ad quem terminum sit. Tertio, an sit motus continuus. De subiecto autem alteratio nis communis est quæstio, ac de ceteris accidentibus, et ideo in questione nona tractabitur a nobis.

#### ARTICULUS I.

##### *Quid sit alteratio, et quotuplex?*

Alterationis nomen ab altero derivatur, dicitur enim quasi faciens alterum. Sicut autem dicitur in capite de differentia, aliud est esse al-

terum, aliud esse aliud. Nam ly alterum indicat differentiam accidentalem, ly aliud, substantiale. Et ita possumus nomen alterationis communissima accipere pro omni mutatione accidentalí in quocunque genere accidentis, sed non loquimur in praesenti de alteratione, ita universaliter sumpta. Strictius ergo sumitur pro mutatione in qualitate, nam in quantitate, et loco, peculiares mutationes sunt, scilicet augmentatio, et motus localis: in qualitatibus autem maxime aliquid fit alterum, presertim quando per illas ordinatur ad aliquam corruptionem, corruptio enim maxime facit alterum. Unde adhuc sumendo totum prædicamentum qualitat̄, oportet distinguere, quod quedam sunt spirituales, quedam corporeæ; et quedam naturales, quedam intentionales; quedam contrarietas habentes, quedam non. Et illæ quæ sunt spirituales, ut intentionales, vel contrarietatem non habentes, ad physicam corruptionem, vel generationem non ordinantur, ideo licet possint latiori nomine alterations dici, non tamen dicuntur alterations physicae, de quibus præcipue agimus in praesenti, quia ad corruptionem, et generationem non ordinantur.

Circa qualitates autem etiam contrarietatem habentes dupli via procedi potest, vel per modum mutationis, vel per modum motus; per modum mutationis, quando procedit a privatione ad formam, ut a non albo ad album, quæ est generatio accidentalis, et tunc non est a contrario in contrarium, licet qualitas ipsa habeat contrarium; per modum motus quando proceditur a termino positivo ad terminum positivum secundum latitudinem, et distantiam de uno ad aliud, hanc enim dari in qualitatibus manifestum est, ut ostendimus in questione